

Literatura oral nun recuncho de Ferrolterra

Oral Tradition in a Small Corner of Ferrolterra

Isabel BOGO SAAVEDRA

Neste artigo amósanse algunas das crenzas e anacos da literatura oral dunha zona da Comarca de Ferrol, co obxectivo da conservación e divulgación da mesma.

BOGO SAAVEDRA, I. 2003. «Literatura oral nun recuncho de Ferrolterra». *Madrygal (Madr.)*. 6: 27-32.

En este artículo se muestran algunas de las creencias y fragmentos de la literatura oral de una zona de la Comarca de Ferrol, con el objetivo de la conservación y divulgación de la misma.

BOGO SAAVEDRA, I. 2003. «Literatura oral en un rincón de Ferrolterra». *Madrygal (Madr.)*. 6: 27-32.

This article shows reflects some beliefs and some pieces of oral literature from a part of Ferrol area with the aim to preserve and spread them.

BOGO SAAVEDRA, I. 2003. «Oral Tradition in a Small Corner of Ferrolterra». *Madrygal (Madr.)*. 6: 27-32.

SUMARIO 1. Crenzas. 2. Cancións. 3. Referencias bibliográficas.

Dios defendá todo canto vexo e non vexo.¹

Neste artigo queremos amosar un anaquíño das crenzas e da literatura oral dunha zona da Comarca de Ferrol. Esta comarca é coñecida, sobre todo, pola actividade industrial, destacando a construción naval.

Parte importante dos testemuños foi recoillida na parroquia de Castro, que pertence ó Concello de Narón. A outra, en Sequeiro, parroquia do Concello de Valdoviño, entre Xuño e Agosto do 2001.

Estas dúas parroquias baséanse nunha economía agro-gandeira, compartida, no caso de Castro coa actividade industrial, que día a día vai medrando en Narón.

Consérvanse nas dúas parroquias historias que nos foron contadas, e cantadas. As que espertaron en nós maior interese podemos clasificá-las como:

1. Crenzas.
2. Cancións.

¹ En moitas das actividades cotiás da xente de aldea está todavía moi presente a figura de Deus. Esta curta oración que unha muller di cada vez que entra na corte para muxi-las vacas é un exemplo da profunda relixiosidade popular.

1. Crenzas

Dentro deste apartado aproximámonos ás doenças, ós agoiros e a algúns seres míticos.

Doenzas

No imaxinario popular galego certas doenças relacionábanse co mal de ollo (nomeado polas xentes da zona estudiada como *mal olló*, *ollo má* ou *ollo mal*), pois estaban provocadas intencionadamente ou non- pola mirada malefica ou envexosa dalgúmhas persoas.

Un dos casos más abundantes é o das vacas que dan sangue en lugar de leite.²

Tres das nosas informantes contan anécdotas similares das cales foron testemuñas directas. Unha delas levara un día a vaca ó ferrador da Carreira³ onde topou cunha muller coa que comezou a conversar. Cando chegou á casa o animal caeu enfermo e non dubidaron os seus donos de que aquela muller tiña algo que ver, pois quedara mirando para a vaca sin decir «*San Antonio*», «*Dios cha defenda*» ou «*San Antonio cha defenda*» (algunhas das verbas case que obrigadas a dicir cando se cruzaba al-gún co gado).

Un suceso semellante ocorreu en Valdovino. Esta vez as vacas non enfermaron pero deron sangue en lugar de leite. Aquel que lles

botou o mal de ollo foi o mesmo que llelo quiou, pois era sabido que quen tiña poder para botalo tamén o tiña para quitalo.


Para librar a un animal do mal de ollo, un home ou unha muller (non valía calquera, só os que tiñan ese don ou poder) metíase na corte cunha candea acesa ou cunha gorra dun home que fora tres veces (con ela) á misa e pasábanlla por enriba á vaca facendo cruces; repetíase este ritual nove veces durante, polo menos, tres días e nove como máximo.

Un ensalmo utilizado para quita-lo mal de ollo é o seguinte:

*Dios que te dou. Dios que te criou
Dios che quite o ollo ma si alguien cho botou.
De ti o saco. da miña casiña o aparto.
Non é polo meu poder nin pola miña sabiduría.
Que é polo poder de Dios e da Virgen María.
Un Padrenuestro e un Avemaría*

As queimaduras eran tamén un motivo para acudir ou chamar a aquela persoa capacitada para «apaga-lo lume».

Unha veciña de Sequeiro informounos de que antes⁴ cando unha persoa se queimaba se non se lle «apagaba o lume da queimadura», esta estendíase pola pel e a carne, facendo más grande e profunda a ferida.



² Leandro Carré Alvarellos falaba no seu libro «Las leyendas tradicionales gallegas» dun caso similar ocorrido no ano 1935 en Vilamelle (Lugo).

³ Lugar da parroquia de Sequeiro.

⁴ Remontámonos a cincuenta anos atrás.

Para apaga lo lume, aquél ou aquela que mediaba dícia (mentres facía crucees sobre a queimadura):

*O lume non e frio, a auga non e sede e o pan
non e fame;
e así coma estas tres cousas son verdades.
non caves, nin ares, nin fastalezas.
nin fagas cousas que o parezan.
Non e polo meu poder nin pola miña sabiduría.
Eche polo poder de Dios e da Virgen María.
Con un Padrenuestro e un Avenaria.*

Diciase así nove veces durante tres días. Antes de comeza-la oración persignábase e rezaba un Señor Mío.

Non só para as feridas exteriores do corpo se buscaban este tipo de remedios; aquí temos un para quita-las lombrigas (os afectados eran sobre todo os nenos), que igual que os dous anteriores, (para quitar o mal de ollo e para apagar o lume), soños transmitido pola mesma persoal, muller que aprendeu da súa nai, unha famosa curandeira do lugar. Os coñecementos permaneceron na memoria desta muller a pesar de non aplicalos xa dende hai moito tempo debido ós avances da medicina (xa non se acudía a estas curandeiras a non ser como último recurso). Cóntanos que sendo moi nova utilizou o seguinte remedio con éxito para sandar un neno e velai o que fixo.

Persignouse primeiro e dixo un Señor Mío. Colleu nove follas de bieiteiro (bieiteiro)⁵. Puxo sobre o ventre do cativo un pano branco e foi cortando as follas e pousándoas nel mentres dícia o seguinte:

*As lombrices de ... (dinse o nome e os apelidos
do cativo)*

*son nove sin a do Barcal⁶,
de nove van oito, de oito van sete, de sete van*

*seis, de seis van cinco, de cinco van cuatro, de
cuatro van tres, de tres van diñas, de diñas vai
unha, esa unha dei roa para ben, para criar a
criatura. Deus nuestro señor, non e polo meu
poder nin pola miña sabiduría que é polo poder
de Dios e da Virgen María. Con un padrenuestro
e un Avenaria.*

Repetía este ritual nove veces e despois queimaba o pano coas follas dentro. Así durante nove días consecutivos.

Rematamos este sub-apartado das doenças con dous casos particulares; o primeiro aconteceulle a unha vella do lugar de Penas, en Valdoviño. Era ela unha rapaza débil, sen vida, sempre enferma e sen causa ningunha, polo menos en aparencia. O seu pai, canso de consultar médicos, chamou a un curandeiro, e estas foron as instruccións que lle deu para sandala:

Un dia impar da semana vai a unha crucelada de camiños e antes de que saia o sol xunta unha pouca leña, quémala xunto cunha prenda usada da nena mentres dis estas oracións⁷. Despois de facer isto tres veces⁸ ha de aparecer lo home causante do mal da pequena, marcha dali sen falarlle e el quedará mirando como o lume consume o mal que causou na tua filla.

Conta a protagonista da nosa segunda anécdota que cando era unha nena de seis ou sete anos⁹, unha das súas veciñas, no lugar de Nelle¹⁰, mandou chamar un mecindeiro¹¹ a causa dunha estraña doença. Este mandoulle tomar un orixinal xarope: ¡nove piollos nunha cunca de café! A muller foi busca-los piollos á casa da nosa narradora ... e sandou.

Agoiros

Os sinais agoirentos estiveron sempre moi arraigados nas aldeas galegas pero hai que di-

⁵ As persoas que dician estes ensalmos aclaraban –como se pode observar nos últimos versos de tódolos ensalmos– que quem tiña o poder para sandar era a figura relixiosa que se nomeaba (Deus, a Virxe...). Os seres humanos son tan só mediadores.

⁶ Podianse utilizar follas de bieiteiro, e senón, nove pallas de trigo eran tamén eficaces.

⁷ Supoñíase que a lombriga do Barcal tiñamola todos e que sen ella non podíamos vivir.

⁸ Descoñecemos cales son as oracións.

⁹ A informadora descoñece se son tres días da mesma semana ou de tres semanas consecutivas.

¹⁰ Na actualidade ten setenta e dous.

¹¹ Situado na parroquia de Castro.

¹² Termo utilizado pola informadora para referirse a curandeiro.

cir que a xente cada vez lles presta menos atención. Algúns dos animais que se coñecen polos seus poderes premonitorios son:

As pegas: cando están inquedas e berran sen parar anuncian algúin contratempo ou desgracia, e chegan incluso a anunciar unha morte. Hai xente que ten en conta o lugar onde se atopan as pegas cando berran: se é a esquerda, mal agotro e se á dereita, bo. O mesmo poder se lles atribúte ós corvos.

Curiosa é a repugnancia que sente a xente de idade polas píntegas, (chamadas sacarranchas ou píntigas), consideradas polos campesiños como animais moi ponzoñentos e «gafosos»¹¹. Por iso, cando aparecía unha píntega na casa tirabase directamente ó lume do lar e se a atopaban por fóra espichábana co raño, sacho ou calquera cousa que tiveran na man.

Seres miticos

A Señorita, aínda que non se sabía de certo se era home ou muller; vestía unha saia e capa negras e levaba anteface e era alta e corpulenta. Crese que era un home que se disfrazaba, pois *A Señorita* andaba ás noites polos cruceiros e polos montes atracando ós camiñantes. Por iso a xente botaba a correr en tanto vía un vulto negro mesmo de lonxe. Conta un veciño de Sequeiro que vindo un dia de mañanciña viu unha cousa negra e grande ó lonxe, como o medo non o deixou correr, apañou unha pedra e dispuxose a confrontarse coa *Señorita* pero canto máis se acercaba máis pequeno se facía o vulto resultando ser unha muller que baixaba por un valado.

—Os *chupasangre*¹²; así se lles chamaba hai máis de corenta anos a uns homes que viñan nun coche negro — segundo dí — e que collían ós nenos para quitárllelo sangue. Con estes homes misteriosos as mias metianllles medo ós seus fillos para que non fosen xogar

moi lonxe e non parasen a falar con descoñecidos.

2. Canciós

No lugar de Sixto, en Sequeiro recollemos algúns estrofas das moitas que se dedicaban mozos e mozas cando estes as ían visitar ou cando lles petaban as portas¹³. Eran diálogos cantados cheos de imaxinación, picardía e de espontaneidade.

*Rapaza que tanto sabes
y que tanto es tu saber
¿cuántos pelos tiene un perro
cuando acaba de nacer?*

*El permiso cuando nace
nace con cuatro pelitos
que no me parió mi madre
para tantos requisitos.*

*Peina ese pelo rapaza
non seas tan perezosa
o petiño ben peinado
é o adorno dunha moza.*

*Anque miña nai é pobre
e teu pai é O Vincleiro¹⁴
inda ti non é lo gallo
que canta no meu poleiro.*

*Deabajo de tu ventana
hace la perdiz el nido
y yo como cazador
a tu ventana me arrimo.*

*Debaixo da miña cama
teño pelexo de lebre
e ti debaixo da tua
te-lo demo que te leve.*

*Caseime fai un ano,
por saber que vida era*

¹¹ Termo que utilizan na zona para indicar que unha cousa da mala sorte. Pronuncia con gheada.

¹² Pronuncia con gheada.

¹³ Nas aldeas as portas constan de dúas partes, a parte de enriba era a que se abría e pola que se asomaba a moza mentres que el quedaba fóra.

¹⁴ O Vincleiro chamábase lle o fillo único.

*o ano vaise acabando
solteiriña quen me dera.*

Como se pode observar nestas cantigas, o castelán non so desprazou ó galego nos textos escritos senón que chegou mesmo a influír na transmisión oral das cantigas.

As seguintes estrofas cargadas de sátira, fan unha crítica da sociedade pechada da aldea e dos seus prexuzos.

*Chamáchesme pera verde
eu a ti mazá podrida,
a pera verde se come
a mazá podre se tira.*

*Unha vella dixo á outra
polo furado da porta
ti għoberna a tua vida
que a miña nada che importa.*

*O río cando vai cheo
leva carballos e follas
tamén podía levar
as lingüas marmuladoras¹⁷.*

*Marmula, marmuladora
marmula de min e doutro
no inferno hai unha cama
para descansar un pouco.*

*Aló enriba, non sei donde
morreu unha besta vella
tódolos que me marmulen
leven o camiño dela.*

As dúas cancións que seguen cantabanse na esfolla do maínzo. Polo mes de outubro reunianse varias familias veciñas para esfollar todo o maínzo recollido, eran reunións que se convertían en festas pois se cantaba mentres que facían o traballo e ó final bailaban e tomaban castañas e viño. Así o facían en cada casa axudándose uns ós outros.

A cantante perségnase antes de interpretala.

- «*Moi boas noites Marica!*

Ola Xaqin, ¿e viñeches?, desde que hai que non te vinz moi falado te fixeches?. Pasa ali pa' atrás do lume e estén un pouco sentado mentres vou berrar á filla e dar a cena ó gado.

¡Antonia!. ¡a mailos raios te deixaran sin fiñños, trae un pouco de herba seca para lles dar ós becerriños!

¡Céute p'atrás Marelha, sei que estás moi deseosa, querelo comerti todo e non deixas pa' Garbosa!. O meu Furrucu de Trobo, o meu homiño querido: xirote que se el vivira as cousas non eran o mesmo. Aquel si que era un home traballador e honrado. Paso os días e as noites desesperada chorando. ¡Ai Xaqin da selve torta, xiroke a palla do millo que anque durara cen anos non se me iba do olvido!. ¡Antonia!, ¿qué estas facendo, como chegue a ir buscarte. ¡parta un raios un nevoeiro! Se de min has de acordarte.

Ten máis paciencia Marica, non te poñas enfadada que ó millor estache o merlo ensinándolle a virada.

-Xaqin, déixate de contos, de merlos e de viradas, vale máis criar becerros que fillas mal enseñadas.

-Marica, ti fuches moza.

-Fun, por certo e das honradás.

-Si muller si, pro daquela tamén se cocían fabas.

-Daquela meu Xaqiniciño non via as mozas rapadas, nin saías pola rodilla, parecen meigas esganadas.

-Vouche decir ao que veño que o tempo logo se pasa, que xa son as dez da noite e traigo a chave da casa. Eu xa teño ochenta anos, que os fixen en Xaneiro e ti tes setenta e nove, do vintetres de Febreiro. Ben sabes que teño un fillo que é guapo coma unha estrela: veñoche pedi-la filla, que se quer casar con ela.

-A miña filla no a levas pro lacazán do teu fillo.

-Pois, déixaos casar a eles e ti casaste comigo.

¡Ai Xaqin, ti posme as cousas de tal maneira e tal modo que abofé me estas deixando convenidíña de todo.

-Arreglémo-los papeles e casemos de contado pois eles ainda son novos xa se casarán para o ano.

-Ahora xa non me acordo nin siquiera dos difuntos, dame a risa cando penso que habemos de dormir xuntos.

E celebraron a boda con sorrisos e cohetes e olvidáronse dos novos e do que dixeran a xente.»

¹⁷ Marmuladora = murmuradora.

Outra canción cantada na esfolla, e que garda certo parecido coa primeira, é a seguinte:

Mai boas noites Xiana, ¿dende lle vai a la paz?

Vai buscar o gas para a noite, xa me parece que tarda. Pasa ali, p' atras do lume e estén un pouco sentado, mentres vou bota la herba e da la cena ó gado.

Lugo chegon a rapaza, pola porta entrou adentro.

Boas noites Xan Guindán, traigóte no pensamento, ¿E logo, tes moito frío?, pois nunca Dios che me dera, poida que querías quenecer agora na primavera.

· ¡Ai!, ti diralo de risas, pero eu digocho de veras, que xa hai un pouco que estou quentando aquí as canelas, ¿E logo, a ti quien cho devo? ¿di xocho noso Señor?

Eu queriamos casar, veño facerche o amor. Teño unha cabra moi boa e tres ovellas preñadas e unha galiña que pon os oviños p' as torradas. A cabra eche moi boa, trouroche catro cabritos e mentres que dous mamaban os outros andan a brincos. Vendinos por catro pesos, teñoos gardados pa' a boda, · se me queres dimo axiña, non andes facendo burla!

Eu casar ben me casaba, pero tamén che hei contar: quero facer unha saia e teñoa aló por fiar. Teño os zapatiños rotos e un pano todo furado, se tes cartos cómprasme outro e casamos de contado.

O cura leu as proclamas no ofertorio da misa e a xente que llas oeu enchen os corpos de risa.

Ela era unha moxía que abose ainda servía e o dia do casamento dixolle que non o quería. Xan Guindán quedou tan torto como as varas dun cainzo e dou a volta pa' a casa, nin siquera adios lle dixo.

O padriño e a madriña, o cura e o sacerdostán encheron os corpos de risa cos contos de Xan Guindán.

Poderíamos citar tantas outras estrofas de temas moi variados, (de amor e desamor, de crítica, de sátira e de despedida), moitas estrofas para escolher que retratan a mentalidade do pobo galego.

Agradecementos

A Ana Acuña, que me alentou para colaborar nesta revista e que desinteresadamente me prestou a súa axuda:

A Josefa Pita, Chuca e Manolo, Lucia Pita, Josefa López, María Josefina Bogo e Javier Raposo pola súa valiosa información.

A Vanesa, Lidia, Lorena, Sergio, Sonia, Evi, Carolina, Sabela, Loli, Victor, Daniel e António por facilitarme os medios para facelo traballo.

A meu pai e a miña nai.

3. Referencias bibliográficas

- VAQUEIRO, V. (1998): Cuia da Galiza máxica. Ed. Galaxia.
DÍAZ DÓRICO, J. (1998): O camiñar dun pobo.